

'Kami bukan di bawah Anwar'

Sinar Harian - 15/12/2020 mlb: 4

Tun M dan Ku Li akui tiada keperluan berbincang dengan Ketua Pembangkang mengenai kerjasama mereka



DR MAHATHIR



TENGKU RAZALEIGH



ANWAR

KUALA LUMPUR

Walaupun Presiden Parti Keadilan Rakyat (PKR), Datuk Seri Anwar Ibrahim ialah Ketua Pembangkang di Parlimen, namun tidak

bermakna beliau mendapat sokongan kesemua anggota Dewan Rakyat dalam blok pembangkang.

Bekas Perdana Menteri, Tun Dr Mahathir Mohamad berkata, sebarang bentuk kerjasama dengan Veteran UMNO, Tengku

Razaleigh Hamzah tidak dibincangkan bersama Ahli Parlimen Port Dickson itu.

"Ketua pembangkang tidak mendapat sokongan majoriti daripada pembangkang. Kami bukan di bawah beliau (Anwar).

"Beliau (Anwar) sebagai Ke-

tua Pembangkang, namun tidak boleh mengawal kita. Kita boleh melakukan apa yang kita suka. Itu jelas.

"Saya tidak perlu menyatakan sokongan dan kesetiaan kepada Ketua Pembangkang," katanya pada sidang akhbar bersama Tengku Razaleigh di Yayasan Al Bukhary di sini pada Isnin.

Dr Mahathir menjawab soalan pemberita sama ada berlangsung sebarang perbincangan bersama Anwar berhubung kerjasama yang diumumkan bersama Tengku Razaleigh itu.

Ahli Parlimen Langkawi itu berkata, hubungannya dengan Anwar tidak begitu dekat.

"Dia tidak ada kontak dengan saya. Jadi, saya tidak dapat berbincang dengannya," katanya.

Dr Mahathir turut mengulangi pendiriannya untuk menolak bekerjasama dengan bekas Perdana Menteri, Datuk Seri Najib Razak bagi membentuk kerajaan baru.

"Kerja dengan Najib? Saya minta maaf saya tak boleh," katanya.

Dr Mahathir berkata, beliau pernah dijemput untuk menjadi Perdana Menteri di luar Pakatan Harapan (PH) menjelang kejatuhan gabungan itu pada awal tahun lalu namun disebabkan ia bergantung kepada Najib, saranan itu ditolaknyaa.